

# **КОМСОМОЛОНЬ ВАЙГЯЛЬ**

ЛИСЕНДИ VIII-це КИЗОСЬ

ВЛКСМ-нь Мордовский  
обкомъ и Саранский  
горкомъ газетасна.

Адресъ: г. Саранск, Советская ул.,  
Дом печати, телефон № 1-60.

ПИТНЕЦ 5 тр.

**МАРТТЬ  
28-ЦЕ ШИСТОНЗА  
1940 КИЗОНЯ  
36 (1688) №**

ЛИСЕНДИ КОВТИ 12-кст.

## ПОЛУЧАМС СЯДА ПУД СЪОРА ЭРЬ ГЕКТАРСТА

ВКП(б)-ть уставонц „партия и комсомол“ разделсонза азф, што комсомолсь арси активнай лездыкс партияти и активнай участниксокс социалистический строительствань сембе областнень эса.

Комсомолецнень инициативаснон коряс, республикаса организовандаф кафта сядода лама оцю урожайнь звена, конатнень лувксса 53 ефремовский оцю урожайнь звенат.

Лямбирский районца организовандаф комсомолецонь и од ломанень 17 звена, Зубово-Полянань районца—29 звена, тяфта жа организовандаф звенат Мордовиять лия районцонза.

Сембе звенатне успешнайста анокласть тундань видемати. Паксяса аф шачи участкатненди йотафтсть ловонь кирдема, усксть навоз, саразонь помет и минеральной удобрений, макссть оцю лезкс сельхозинвентарень анокламаса.

Зубово-Полянань районца Калининть лемса колхозса комсомольский организациять инициативанц коряс организовандасть ефремовский оцю урожайнь звена, коза сувасть колхозть нинь передовой ломаненза. Тя звенась сембе ширде анок видемати, сон эсь пингстонза участкасонза йотафтсь ловонь кирдема и усксь удобрений. Звенась сясь эсь лангозонза обязательства, штоба оцю урожайнь

получамаса занямс районца васенце вастть.

Тяфта жа успешнайста анокласть видемати оцю урожайнь звенась Лямбирский райононь „Харрият“ колхозса, конанц сембе членонза комсомолецт.

Но улихть райотт, кода Инсарский, Рыбкинский, конат тячийнь шить самс ашесть организовада оцю урожайнь звенат. А тя лисенди сянъ сюнеда, што ня райоттнень эса колхознай комсомольский организациятне юкснесазь колхозть кизефксонзон эса активнай участиянь примамма обязанностьснон и аф сатомшка вятихть агитационнай работа колхозникнень йоткса.

Штоба сатомс 100 пуд съора эрь гектарста, сельхозинвентарень анокламада башка, колхозненди и колхознай комсомольский организаци- ятненди эряви шарфтомс оцю мяль видьмонь сортировандама тевти, паксяса кирдемс сембе влатать. А тянь инкса эряви анокла- ламс сембе эрвикс инвентарть, ознакомить комсомолецнень и колхознай од ломаттнень ведень кирдема техникать мархта. Тя тевти эрвяхть таргамс опытной бригадирхнень, звеньевойхнень и агропопнень.

## Комсомольский и ОСО-нь организациятнень обязательствасна

Атюрьевский средний школань осовахиомонь первичнай организациясь тонафнема кизоть 3-це четвертец пингста оборонно-физкультурнай работаса сатсь оцю сатфкт.

ОСО-нь первичнай организаци- ясь школаса пуропть ВС-нь, ПВХО-нь и ГСО-нь кружокт, конатнень мархта фатяфт школаса пцтай сембе ученикне. Няг кружокне (синь руководительсна Е. Севочкина, Ведяков, Шумкин ялгатне) тя кизонь февраль ковть самс нолдасть ни 248 оборонно-физкультурнай значкистт.

Тяда башка осовахиомонь организациясь йотафтсь и йотафни

стрелковой и химический соревнованият, конатнень эса примсхть участия лама ученикт и преподавательхть.

Эряви азомс, што школаса ОСО-нь организациять авторите- тоц шидашис касы и кемокстай. Тянь колга корхтай ся факть, што мекольдень пингть ОСО-нь четлетнень лувкссна кась 235 ломаньц.

Комсомольский и ОСО-нь организациятне эсь инголестпутсь задача—учебнай кизоть 4-це четвертец пингста значкисттнень лувкс- снон касфтомс кафтонь крда.

Карл Черакшев.

## Украинский и Белорусский ССР-нь западнай областнень избирательнай округснон эзда СССР-нь Верховнай Совету кочкаматнень колга ПРЕДВОРИТЕЛЬНАЯ ДАННАЙХНЕ


Сообщениятнень коряс, конатнень кучезь СССР-нь Верховнай Советть Президиумонц Секретариатозонза СССР-нь Верховнай Совету кочкаматнень коряс окружной избирательнай комиссиятне, Украинский ССР-нь и Белорусский ССР-нь западнай областнень эса 1940 кизонь мартть 24-це шистонза йотасть кочкамат Советонь Союзу кочкаматнень коряс сембе 43 избирательнай округкнень эса и национальностень Совету кочкаматнень коряс сембе 12 избирательнай округкнень эса.

Кочкаматне ушедсть шовдава 6 частста Украинань и Белоруссиянь западнай областень сембе ошнень, велетнень и поселкатнень эзда и сембе вастова шить 4—5 част-

тненди самс мартть 24-це шистонза голосовандась избирательхнень эзда оцю лувкссь. Мартть 24-це шистонза 12 частста веть голосованиясь аделавсь.

Окружной избирательнай комиссиятне предворительнай даннайснон коряс, Украинский ССР-нь и Белорусский ССР-нь западнай областнень эзда кочкаматнень эса голосованиясь примась участия избирательхнень сембе лувкс- снон эзда 96 и сядо лама процент.

Украинский ССР-нь и Белорусский ССР-нь западнай областнень сембе избирательнай округснон эзда СССР-нь Верховнай Совету депутаткс кочкафт коммунистонь и беспартийнайнь блокть кандида- тонза.



Свердловский вагоноремонтнай заводонь токарсь, горсоветонь депутатсь, комсомолкась Валентина Кузнецовась 1940-це кизонь васень шитнень пингстакиге работай по-стахановски, работань норманзон нашкотькшесыне 150 процентс.  
СНИМКАСА: Кузнецова ялгась проверасы, кода шоваф детальсь.  
Фотось И. Соловьевть (ТАСС-ть фото-клишец).

## ИДЕНЬ ТВОРЧЕСТВАНЬ ВСЕСОЮЗНОЙ ОЛИМПИАДАТЬ КОЛГА ПОЛОЖЕНИЯСЬ

1. Иденъ творчествань Всесоюзной олимпиадась йотафтови 1940 кизонь августста Москву ошса. Олимпиадась целец—няфтемс массовой самодеятельностень творчествать расцветонц и сонь лучшей образецонзон, иттенъ массовой самодеятельностьснон и творчестваснон сядо тов касоманц искусствань, наукань, техникань областнень эса. Олимпиадаты анокламась и сонь йотафтомац должетт лездомс школаса успеваемостьть касфтоманцты и дисциплинировать кемокстаманцты.

2. Иденъ творчествань Всесоюзной олимпиадаса участниксокс могут улемс ученикне, конат художественнай самодеятельностень кружоккнень эса работать сочетандакшнесазь цебарьста и отличнайста тонафнемать мархта.

3. Ученикне и иденъ коллективне иденъ творчествань Всесоюзной олимпиадаса выступают художественнай самодеятельносттьсембе видонзон коряс сатфксснон мархта (литературнай, музыкальнай, драматический, хореографический искусствать, моронь и кштимань пионерский ансамблять и кштимать и иденъ национальнай ансамблять, декламациятнень, художественнай лувомать, художественнай гимнастикать коряс и ст. тов).

4. Олимпиадась панжема шинцты Москва организовандавихть иденъ изобразительнай искусствань и юнай техниконь работань колга Всесоюзной выставкат.

5. Всесоюзной олимпиадаты предшествуют иденъ самодеятельнай творчествань ваномат школатнень, внешкольной учреждениятнень эса, областной, краевой, республиканский (РСФСР-да башка) иденъ творчествань олимпиадат, а тяфта жа иденъ изобразительнай искусствать и юнай техникнень работаснон колга областной, краевой, республиканский выставкань ваномат.

6. Иденъ творчествань олимпи-

адатне крайхнень и областнень эса йотафтовихть июнь 25-це шинц самс, республикатнень эса—июнь 15-це шинц самс.

Школатнень и внешкольной учреждениятнень эса иденъ творчествань ваномань срокнень латцесазь краевой, областной, республиканский оргкомитеттне.

7. Школатнень эса иденъ самодеятельнай творчествань ваномати анокламать и йотафтомаць ланкса руководствать йотафнесазь 5—7 ломанень лувксса комиссиятне, конатнень составс сувсихть партийнай, комсомольский, профсоюзнай организациятнень, школань дирекциятнень, учительхнень, искусствань работникнень эзда представителхть.

8. Областной, краевой, республиканский иденъ творчествань олимпиадатненди анокламать и йотафтомаць ланкса руководствать йотафнесазь оргкомитеттне, конатненди сувсихть партийнай, советский, комсомольский, профсоюзнай организациятнень, народнай образованиянь оргаттнень, физкультурань и спортонь комитеттнень представительсна, литературань и искусствань работникне.

9. Иденъ творчествань Всесоюзной олимпиадаты анокламать и йотафтомаць ланкса руководствать йотафнесы Всесоюзной олимпиадаты оргкомитетоц.

10. Иденъ художественнай самодеятельностень олимпиадатненди областнень, крайхнень, республикатнень эса участниконь кочкамать йотафнесазь соответствующай оргкомитеттне.

11. Москва иденъ творчествань Всесоюзной олимпиадаты участниконь кочкамать йотафнесы Всесоюзной олимпиадань оргкомитетсь. Всесоюзной олимпиадав самась оргкомитетть разрешенияфтома аф мярьгондеви.

12. Москва Всесоюзной олимпиадань участникненьди макссеви иденъ творчествань Всесоюзной олимпиадаса участниконь значок.



## Соцсоревнованиянь знамя ала

Рузаевка. Перхляй велень „Пятилетка“ и „18-й партс'езд“ колхозне тя кизоня тундань видема кампаниять васьфтьсязь сембе ширде анокста. Кафцьке колхозне вельхозмашинаснотды и инвентарснотды тийсть образцовый ремонт, конат паксыя кармайтхь работам атак. Тяни нят колхозне тундань видемати анокламати востновном аделазь ни.

Нят шитнень пингста колхозонь правленияне лувозь сембе рабочей вийть, колхознень эса рабочей вийсь аноклаф. Тядя меле синь эрь полеводческий бригадаты эса пуроптсть оцю урожайностень звенат. „Пятилетка“ колхоза тяфтама звенада сембоц пуроптф 9, конатнень эзда 1 огороднический. Тняра жа звенада пуроптсь „18-й партс'езд“ колхозске. Звенатнень составс сувасть колхознень инь лучшей производственниксна.

„Пятилетка“ и „18-й партс'езд“ колхозне тяфта жа сатомшка работа йотафнихть Сталинский 8 миллиартт пуд сьоронь сывома тевсовок. Синь эздот кажнайсь

паксянзон лангса келиста применениякшнесазь передовой агротехникать. Синь ловонь кирдема планцон пашкодезь пцтай 100 процентс.

Тядя башка колхозне паксяснон лангс усксхть назепт и анокласть лама кулуфт, птицань помет и лия удобрения. Кепотьксонди, „Пятилетка“ колхозсь планц коря паксяв наземда должен ускомс 300 тонна, а сон мартть 15-це шинцы самс усксь ни 260 тонна.

Тя работать эса инь энергичнайста работайхть Тингеева Панясь, Осипова Матренась, Польдяева Василисась и Сименкова Елизаветась. Нят ялгагнень шинь норматнень пашкотькшнесазь 125—130 процентс.

Кафцьке колхознень эса башка мяль шарфтф колхознай алашатнень шири. Мекольдень пингть эзда ламода сяда цебяргофтф синь мельгаст ухось, тейст ноляви сатомшка фураж. Тяни синь рабочей алашасна пцтай сембе средний упитанностьот.

Дм. Родин.

## Аноклазе сембе сельхозинвентарть

Сире Потьма велень „16 партс'езд“ колхозса 5-це кизось ни работай кузнецокс К. А. Песков ялгась. Сон эсь честнай работанц мархта кунара ни аделазень колхозть сембе сельхозмашиназон ремонтснот.

Тядя башка сон оцю лезкс макссь Дерган и Вароновка велень колхозненди тундань видемати анокламаса. Дерган велень колхозти петсь 13 плуг, 2 сеялкат и лия сельхозмашина.

Песков ялгать честнай работанц инкса колхозонь правлениясь ламоксть казендезе птнни казнеса.

Н. Поляков. Н. Гуляйкин.  
Рыбинский район.

## Колхозне сувасть соцсоревнованияс

Сире-Теризморга велень „17 лет Октября“ и Буденнайть лемса колхозне пак вишкста аноклайхть тундань видемати.

Нят кафцьке колхозне эсь йотковаст тисть социалистический соревнованиянь договор, конань кажнай пунктонц пашкодеманц инкса синь вятихть большевистский тюрема.

„17 лет Октября“ колхозть сембе полеводческий бригаданза эсь йотковаст тяфта жа тисть соцсоревнованиянь договорхт.

Курков.

Сире-Шайговань район.

## КОЛХОЗОНЬ СОБРАНИЯСТА

Аф кунара Од Выселка велень Калининть лемса колхозса колхозникнень йоткса ульсь йотафтф общеколхознай собрания. Собраниясь ульсь ванф колхозть тундань видемати анокламанц колга кизефкссь.

Колхозонь председатель Ацепавевть докладонц коряс колхозникне кемоста критиковандазь тундань видемати анокламаса колхозть руководстванц, сяс мес тячиень шити самс колхозса аф сатомшка аноклафт сортовой видьмотне, атак ремонтировандак сель-

хозинвентарсь, апак кемокстак звеньеовой участкатне.

Тядя башка выступил Зубово-Полянский МТС-ть участковой агрономоц Матвеев ялгась, конац няфтезе, што колхозть аф сатыхть лама минеральной удобрениянза. Мянть тячиень шити самс колхозсь кочкась анычек 2 центнерхт кулу.

Собраниясь примась решения, штоба маластонь пингть машфтомс сембе аф сатыкснень и март ковть йотамс улемс сембе ширде анок тундань видемати.

В. Общев.

З. Полянский район.



СНИМКАСА: Киевский Особай Военный округт Н-ский частенц боевой и политической учебаса отличниконза разведкасот. (Кержи ширеста види шири) Ю.И. Узунянец, младшай командирсь В. С. Пилипенкось и Я. А. Фесенко, А. И. Вайн боецне.  
Фотось К. Копытат (ТАСС-ть фото-клишец).

## ОБОРОННАЙ РАБОТАСЬ ЮКСТАФ

Сире Теризморга велень „17 лет Октября“ колхозонь комсомольский организациясь пак кунара организовандась осоавиахимский организация, но сон мянь тячимс ащи руководителфтема.

Лама комсомолецнень ули оцю желаниясна, штоба тонафнемс обороннай тевть, тонафнемс винтовкаты, противогазть и стак тов, но тянь лангс организациять сек-

ретарец Рыжов Михаилсь аф шарфни кодамовок мяль, сон вестьке ашезь путне кизефкс комсомольский собраниясь осоавиахимский организациять работанц колга.

Комсомолецне надияхть, што маластонь пингть максь сатомшка лезкс Сире Шайговань осоавиахимонь райсоветсь и ВЛКСМ-нь райкомсь.

Ф. Курков.  
Сире-Шайговань район.

## Эряви ВЛКСМ-нь горкомть лезксоц

Мордовский разнопромсоюзса комсомолецнень йоткса большевизмать мархта овладениянь тевсь ладяф пак кальдявста. Комсомолонь 32 членть йоткста анычек 9 ломатть самостоятельна тонафнесазь „ВКП(б)-ть историянц Краткай курсонц“ и сятка работайхть нинге анычек васенце глватнень лангса.

Комсомолонь организациясь 18 членць эсь малограмотностьснон сюнеда не могут самостоятельна работамс эсь идейно-политический уровеньонцон кеподеманц лангса.

Тейст эряви пуроптомс политграмотань кружок, но тянь мархта комсомольский комитетсь нинге ашезь занимадакшне.

ВЛКСМ-нь горкомсь разнопромсоюзонь первичнай организациять практический лезкс ашезь макссе. Тянь сюнеда комсомольский организациять эса лафча дисциплинась. Нльне синць комитетонь четлетне, кода Медведевась и Стрелковсь, эсь тевснонды относятся халатна. Комитетть секретарец Максимов ялгась нльне аф содасыне кит сонь комсомолецонза. Байков.

## Эрямс дружнайста

Ковылкина. Мартть 16-це шистонза 43-це № железнодорожный средний школань комсомольский организациясь йотафтсь общий комсомольский собрания, конань эса комсомолецне разбирали дружбать колга кизефкс.

Однака, собраниясь няфтезе, што од ломаттне, а тяфта жа нльне кой-кона комсомолецневок „дружба“ валть шарьхкотькшнесазь аф правильнайста. Вов, кепотьксонди, фкя ученицась-комсомолкась школаста куду мольсь цьоранятнень

мархта и тянка сонь колганза ульсть всякай аф виде корхнемат.

Тя няфнесь, што комсомольский организациясь стирнятнень и цьоранятнень йоткса ялгань, коммунистический дружбать кемокстаманц инкса тюри аф сатомшкаста.

Стирнятне и цьоранятне должетт эрямс дружнайста, синь фкя-фкянь тонафнемаса и работаса фалу должетт макссемс деловой лезкс.

М. Водякова.

## Апак пачатлак материалоньконь коряс

„Комсомолонь вайгяль“ газетатъ редакцияц юнкоронь эзда получакшнесь сьорма, коса сьорматфоль, што Торбеевский райононь, М. Ювня велень аф полный средний школатъ видеса буфетть заведующайц Мухаевсь попутательнень сембе пингста обвешивал и обсчитывал.

Редакциясь тя материалъ кучсезе проверямс и мерань примамс Торбеевский райторготделти. Тейнек пачфтьсть куля, што фактне видет. Райпотребсоюзти марькф Мухаевть работаста валхтомс.

## Клубсь замок эшксса

Зубово-Полянский райононь Од Потьма велень руководителхне аф шарфнихть кодамовок мяль клубть работанц шири.

Нинге йотай кизонь сентябрьковста сывонок клуба заведующайкс работай Шиндакова-ялгась. Но кодама работа вяти Шиндаковась? Васендакиге клуба од ломаттнеди аш газетат, журналхт. Тяса вестенге апак тиенть международнай положениять колга доклад.

Ответ. редакторть заместителец  
И. ЧУДАЙКИН.



СНИМКАСА: Памир пантнень прясса Н-ский погранотрядонь альпинистне-пограничникне.  
Фотось В. Шаховскийть. (ТАСС-ть фото-клишец).